

12. marts

Siunnersuut uunga: Katersugaasiveqarneq pillugu Inatsisartut inatsisaat.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Naalakkersuisup saqqummiussaanut Siumumiit ima oqaaseqassaagut:

Piorsarsimassutsikkut kingornussat tigussaangitsut piorsarsimassutsikkut tammatsaalineqartariaqartunut pingaaruteqarluinnartunut ilaapput, piorsarsimassutsitinnullu annertoorujussuarmik tunngaviliisooqataallutik.

Ukiuni kingullerni piorsarsimassutsikkut naleqartitanik tigussaangitsunik eqqummaarinninneq nunarsuarmioqataanerup ammaanneqaraluttuinnarneranuttaaq annertuumik kinaassutitsinnut tunngaviliisooqataapput.

Taamaammat Siumumiit katersugaasiveqarneq pillugu inatsisit nalinginnaasumik nutarterneqartariaqarnerat pillugu Ilinniartitaanermut, kultureqarnermut, ilisimatusarnermut ilageeqarnermullu Naalakkersuisup saqqummiussaa ilassilluarparput, taamaaliornikkummi piorsarsimassutsikkut kingornussatta tigussaangitsut tammatsaalineqarnissaannut qulakkeerinninneq inatsisitigut toqqammavissinneqassammat.

Taamak oqaaseqarlunga siunnersuutip ataatsimiitsitaliamut ingerlateqqinneqarnissaa Siumumiit innersuussutigaaara.

Vivian Motzfeldt, Siumut